

郟縣鄉土志

戊申年

七(1)280,123

539

張棟臣閱

邕縣鄉土志

債署
溶

郫縣鄉土志序

癸卯秋余由京曹出官蜀都屢問都人道望叢兩帝事弗置知郫固古國也甲辰冬直隸丁君蘭溪任斯邑事維時管學大臣張埜秋先生頒示例目咨行各省下府州縣編輯鄉土志呈送甫議編纂而丁君以故去任丙午秋舍人賃君書船承今提學使桐城方公之命視學斯邑聘教職姜君藥言任編輯事閱八月而志成凡二卷是年秋八月余捧大府檄權郫篆下車後賃君先以質余且請余爲之弁余守土官也凡縣事均應知之不敢以不文辭退食餘閒披覽一過知郫乃褊小邑截長補短曾不能五十里而其間田疇之沃衍陂池之灌注戶口之繁盛士女之鬪溢俊秀之坐進

郫縣鄉土志

序

一

隱隱振振實爲西蜀之神皋奧區則褊小邑而又樂土也抑余更有說焉地中海之濱有安豆拉國者其疆域不過十里人不過三千均能發明工藝遇有變故人盡軍士居英法德三國之間莫敢彼侮世界公認爲獨立以郫邑之地與人論五倍安豆拉乃人民程度則相去十倍蓋教育未普及故國家主義與社會主義未之發達也今者

朝廷預備立憲預備之道從地方自治入手郫邑十六萬人剖郫邑爲十六萬分人人皆爲地方一分子則凡郫邑之紳界學界農工界商界中人又烏可放棄責任不圖進步以速國家立憲之期耶吾願讀斯志者卽以斯志爲地方自治之參考書可也余旣重

賃君之請且以地方自治之事業望郛人也於是乎書
光緒三十四年季春之月東魯韓肅儉叙

郛縣鄉土志

序

二

鄂縣鄉土志序

鄉土志者歷史地理之一分子也自學堂建立無論大中高等各學堂莫不以歷史地理列爲學科然行遠自邇登高自卑而初等小學則以鄉土志始蓋以幼稚之知識遠求高深之理想勢必窒礙難通惟鄉土之事爲耳所習聞目所常見雖街談巷論一山一水一木一石平時供兒童之嬉戲者一經指點皆成學問其引人入勝之法之善無逾此者鄂自蒲卑啟宇奠宅岷陽漢志成書屬隸蜀郡建置以來陵谷雖有變遷名稱從無改革故望帝故都揚雄遺宅憑弔者猶能確指其處第歷代志乘燬於兵燹迄無所存至乾隆間邑侯李公少白始蒐輯史傳畧具規模後雖迭經增

鄂縣鄉土志

序

三

修俱未完善則欲撫拾軼事攷訂遺聞以爲鄉土志之編纂儲初等教育之材料勘誤校譌洵非易事自去歲學部通飭各省府廳州縣各撰鄉土志一編以爲小學堂教授歷史地理之初梳今春邑侯黃公玉田不以僕爲謏陋委職斯役始正月終八月旁採遺篇博訪通人閱二百餘日始竣事其間遺誤恐有不免惟冀各堂先生於教授時遇有謬錯即爲改正庶不至貽誤後生是所切禱

光緒三十三年九月上旬邑人姜士諤藥言甫識於墨韻堂之五仙樓下小室

鄆縣鄉土志例則

一大綱分歷史地理二門其建置政績兵事耆舊人類戶口宗
教實業諸條隸於歷史其城邑村鎮山水道路物產商務諸
條隸於地理皆依 學部所定例目編之不安參以己見
一耆舊類於事業學問兩條外附以賢媛一條以今女學漸開
聊備一格用以儲女塾之資料

一古蹟橋梁祠廟坊表各區隸於各區以便學員教授時易於
指導而學童皆身歷目覩不至有憑空懸想之弊

一水道名稱舊志多牽引附會求與古合反致失實攷據家幾
如聚訟今但沿其俗稱求其分合以便學童易知不敢妄矜

鄆縣鄉土志

例則

淹博

一物產分天然製造二條今謹依 學部原例列爲上下二格
使學童一目瞭然且免重複

一商務一門現今商會未設其運銷之數無從確查但從各商
處訪其大畧按爲估計以備一門俟商會成立當再詳訂

郫縣鄉土志

歷史

未置縣以前

蜀之先肇於人皇之際至黃帝子昌意取蜀山氏女生帝嚳後封其支庶於蜀歷夏商周始稱王者長曰蠶叢次曰柏灌次曰魚鳧其後有王曰杜宇教民務農號曰望帝徙居郫水上因號其城曰郫傳十數世至周慎靚王五年秦使張儀司馬錯伐蜀滅之以其地為蜀郡始置郫縣

既置縣以後

秦置郫縣屬蜀郡漢因之其初併有今溫江灌縣地蜀漢三國也分

郫縣鄉土志

歷史

置都安縣即今灌縣晉因之隋初復省都安入郫縣尋添置萬春縣即今溫江

縣後復廢唐武德元年始分置盤龍縣即今灌縣二三年復分置萬春縣

武后分置犀浦縣宋熙甯元年省犀浦入郫縣元明不改

國朝康熙七年併崇甯入郫縣雍正六年復將郫西之三十五甲

處分置崇甯縣分去學額六名



政績錄

秦 張若 李冰

張若或曰張儀子為惠王庶司秦始得蜀置郡縣若出為郫縣長

築郫城周迴七里

或云郫城張儀築

李冰孝文王時為蜀守穿郫江以行舟船又作石犀五頭以厭水

怪穿石犀溪於江南灌溉稻田故郫為蜀膏腴地

漢 劉龐 楊仲續

劉龐為郫令郫民楊伯侯奢侈葬其親大起塋塚聞龐至避之徙

居成都

楊仲續為郫令有惠政民為之立生祠

郫縣鄉土志

政績

二

蜀漢 習貞 鄧芝

習貞襄陽人隨昭烈入蜀為郫令

鄧芝字伯苗初為郫邸閣督先主出至郫與語大奇之擢為郫令

所在清嚴有治績

晉 常勗 山濤

常勗字修業後主時以孝廉除郫令鄧艾破蜀時西川震動諸縣

多望風降勗獨固城拒守後得後主令乃詣艾故郫穀帛完全

雖遭亡國之變民安堵焉

山濤字巨源為郫令時常劾巨竹釀醪醱蔽以蕉葉纏以藕絲經

宿熟世目為郫筒酒亦曰山公酒

按晉史山濤未嘗為郫令因有山公酒之稱遂誤指為濤相沿已久故仍之

唐 張蠙

張蠙字象文以詩名歷金堂郫縣令嘗題太慈寺壁有牆頭細雨垂纖草水面微風聚落花之句蜀王衍見而愛之賞以霞光箋百幅

宋 司馬池 莫運泰

司馬池字中和天聖中爲郫尉攝縣事時蜀人妄言叛蠻將入富室爭埋金帛會上元張燈池縱民游觀竟夕民心遂安

莫運泰崇甯中宰郫脩堰醴渠民利賴之秩滿當去民爲畫像祀之楊天惠爲作記

明 王昌裔

郫縣鄉土志

政績

三

王昌裔景泰中知郫縣時番僧入貢道出於郫民被剽掠昌裔上疏改道郫民賴之

國朝 劉乃大 李 馨 任履素 陸光宗 歐陽俶 裴顯忠

梁祖綬 李吉壽 胡寶仁 毛玉麟 黃德潤

劉乃大字有容雍正中補授郫縣時成都屬縣盜賊蠡起營弁逐捕不能得大府以乃大恩惠素著鄰邑皆仰望之因檄往治乃大所至輒宣憲令發倉粟給田農籽種令亟種麥無或失時因單騎入賊壘諭以禍福盜遂解散後擢忠州牧卒於官無子郫人迎其柩葬郫南郊爲置祭田至今祠祀不絕

李馨字少白爲郫令有惠人之稱蜀經獻賊兵燹州縣志乘舉無

存書馨旁搜遠探閱一寒暑而縣志規模始爲畧具

任履素河南河內人以進士授鄆縣創起岷陽書院又爲諸生置田產興膏火以助學邑之有書院也自履素始

陸光宗字古山浙江人爲鄆令性嚴正邑有淫祠演戲梨園子誤擲刃中臺下人斃命光宗相驗詢知舉石碎其像罷其會善書法今公堂有眼前皆赤子頭上有青天楹聯即其手跡也

歐陽俶號藝垣政無煩苛人呼歐奶奶然不畏勢力有道員楊某案批語煌煌嚴若秋霜聞者莫不敬服後竟以此罷官士林避之

裴顯忠字澹初縣試無考棚試者自攜桌凳備極勞瘁顯忠愍之

鄆縣鄉土志

政績

四

率邑紳創建考棚自是鄰邑皆效之

梁祖綬字三亭咸豐庚申二月署鄆時藍逆上竄祖綬曉暢軍事亟爲鄆謀保障凡軍火器械浚濠修城諸大端咸躬親之時賊蹤飄忽所過殘破鄆民恃之得以無恐

李吉壽字次星廣西舉人敏幹有權畧當咸豐庚申辛酉間藍逆上竄爲率團衆禦之故賊往來數次卒不得駐足於鄆有巨匪情形不軌設計誅之境內以靖

胡寶仁字筱玉浙江山陰縣進士廉幹明能光緒癸巳年攝邑事
事無鉅細悉躬親之折獄有機能不數言而決平反冤牘以數十計時鄆多訟師寶仁除其最梟者二人澆風以靖性尤儉樸

衙內只親隨一人並無門丁簽稿及其他雜役出署常著布衣去之日只行李三箱無他物也士民感其德至今稱道不衰毛玉麟字篤齋江西豐城人亮直有才具光緒辛丑年署鄆令政令嚴明任事尤勤邑南東隅有書院曰岷陽書院向未整頓循例聘山長者月課除八股外無所謂講義也玉麟到任後籌款二千餘金購圖書數百種新築講舍增添膏火一變從前辦法而更新之調邑中高材生四十人入院肄業課以圖算格致經史等學延灌邑孝廉王昌麟爲之師學生名額發達至百餘人鄆邑自辛丑後士多講求科學之士而見用於時者玉麟之力也

黃德潤字玉田雲南會澤人爲人沉毅多權畧光緒丙午年署鄆令廉明幹練爲人所不能爲邑紳有無罪而被訟累者大吏將力懲之德潤盡力與大吏爭事得解任卹一年平反冤獄無算邑中學務向未整頓德潤乃立學務公所分六科辦事學界面目爲之開張籌款六千餘增築高等小學堂校舍十八楹添招學生數十人開辦師範館一所女學堂一所半日學堂一所次年又開辦師範傳習所一所德潤好治事將卸任之前二日猶爲邑中學界規畫永久籌擬條章去之後士民咸馨仰云

兵事錄

晉 李特李雄之亂

李特隴西氏人也晉大安元年蜀中饑饉特起兵攻德陽旋從甕底渡入郫尋爲羅尚敗死二年少子李雄復據郫城自稱益州牧治之後克成都遂自郫遷據焉

劉宋 趙廣程道養之亂

元嘉中益州刺史劉道濟欲以趙廣爲參軍費謙沮之廣遂生變詐言晉室宗親司馬飛龍尙在聚衆數千攻陷涪城進攻成都克郫城賊衆不見飛龍欲散去廣乃逼陽泉寺道人程道養使言是飛龍推爲蜀王於郫郊天會巴東太守周籍之領兵至與

郫縣鄉土志

兵事

六

裴方明合攻之道養逃入郫山獲其弟道助斬之始平

蕭梁 劉季連之變

南齊時劉季連爲益州刺史梁受齊禪武帝以鄧元起代之季連不平遂矯稱齊太后令舉兵恢復時元起留輜重於郫季連遣其將李奉伯間道襲郫陷之元起怒舍郫攻成都久之季連食盡出降

宋 王小波李順之亂

青神民王小波作亂其黨李順攻陷成都遂侵擾及郫郫人團結自守順怒下令集團結者盡殺之時孝子王景適役於縣度衆不免乃夜啟關縱令逃去數千人賴以活尋爲王繼恩所破

明 奢崇明之亂

奢崇明永甯土司也天啟中募川兵援遼崇明父子久欲爲亂因乘間請行領兵詣重慶巡撫徐可求汰其老弱遂反殺可求及道府總兵官二十餘人據重慶進攻成都僞號大梁侵及郫縣教諭趙愷率衆擊賊被刺死事平從祀忠義祠贈重慶同知

明末 李自成張獻忠之亂

李自成米脂人初從馬賊高迎祥爲寇迎祥號闖王自成號闖將迎祥死自成遂號闖王自臨羌州破七盤關分三道入蜀進逼成都掠郫縣郫縣主簿張應奇死難

張獻忠自延安起事稱八大王崇禎十七年由重慶進逼成都巡

郫縣鄉土志

兵事

七

撫龍文光令郫縣縣尉趙嘉煒決都江堰水益濠灌賊爲賊射死投屍於江尋城破屠戮無遺恒據郫西之鄉集寺爲演武臺分遣賊衆四出革殺

國朝 藍逆之竄

藍大順本名朝鼎滇省煙匪也咸豐九年與其黨李永和

譯名短搭搭

同起事於敘州府之慶符縣至十年藍逆分股遂由青神上竄至花園場郫縣各團同扎龍家灣橋上堆木壘扼之賊不得過相持數日乃偷渡葛家灣河從背擊團衆潰忠義死節者甚多遂向崇甯竄去十一年夏復由綿州竄至花園場官兵追之一戰於龍家灣再戰於臘八堰互有殺傷加以團衆三面蹙之遂

向丹稜竄去是年冬復由溫江竄入經廻龍場高店子三導堰
向濛陽川北一帶去駱文忠公名秉章調楚勇追勦之於是藍逆
遂入陝而川境以靖

耆舊錄

分事業學問二門

事業

漢

何武字君公鄆人成帝時爲大司空封汜鄉侯王莽以不附已誣以罪自殺人皆寃之

蜀漢

何隨何武後也爲安漢令蜀亡去官時巴土饑荒所在無穀吏送行者取道旁民芋食之隨知之以帛繫其處民爲之語曰安漢吏取糧令爲之償

晉

鄆縣鄉土志

耆舊

九

何攀漢司空武弟何顯後也武帝時與張華羊祜籌進取伐吳之策帝善之命參王濬軍事及孫皓降於濬王渾恚失機欲攻濬攀勸濬送皓與渾由是事解以功封關內侯後以豫誅太傅楊駿封西成侯邑萬戶

隋

何稠字桂林安之兄子也仕隋爲太府丞開皇末桂川李光仕爲亂召稠募討之稠至衡嶺遣使招其渠帥洞主莫崇解兵降欵崇至諭以恩信爲設酒食遣之餘賊聞之皆降承制署首領爲州縣而還時欽州刺史寧猛力初欲圖逆至是惶懼請朝稠以功授開府加右光祿大夫

宋

楊應詢字仲謀徽宗時爲河北沿邊安撫使先是歸信容城兩縣弓手爲契丹所憚上欲增爲千人或恐生事應詢曰吾欲備他盜彼安能禁我卒增之後知雄州朝廷常取西夏地契丹以姻婭言乞還之不得遂擁兵逼塞中外恟疑應詢曰是特爲虛聲嚇我耳但治兵積粟以示有備彼必自還已而果然後爲眞定大名副都總管

王翊字公輔寶慶進士吳曦常招之入幕及曦叛抗節不拜爲陳大義曦怒將殺之會曦誅乃免後爲置制參議官元兵至募兵拒守城破翊朝服危坐元兵見之問何以不去曰食天子祿臨難不能救死有餘罪速殺我元兵曰忠臣也戒勿殺翊以朝服赴井死

國朝

邱鳳岐以武庠入營累功官普洱福甯總兵初爲福文襄所器重歷出師西藏湖北雲南擒逆賊覃加耀張正朝等及諸夷酋料敵出奇有名將風

傅鵬飛嘉慶七年進士官湖南桂東令地瀕湖饒荏葦魚鱉之利鵬飛因民之欲與爲滋息民胥賴之

何其祥嘉慶丁卯舉人官河南登封縣知縣歷任繁劇凡四脫靴其德政可見

高步雲以舉人大挑二等官筠連教諭縣匝萬山中地僻土陋步雲爲之設課講究文字庠衆感悅地連滇界滇人聞之負笈而來悉爲開誠教導邊地文風爲之一變

劉厚滋原名倬舉人官河南河內縣知縣縣屬栢鄉鎮有肥饒地苦無水厚滋乃設法於河堤上作一孔可啟閉而於堤無損得以溉田數千頃民德之爲立生祠

彭以懋爲甘肅熾煌縣知縣其地平曠民不知耕織以懋相地勢可厚水溉田以種稻爲延川中能作水車者以往得水田四萬餘畝又爲延老嫗能織者往教且諭以種棉遂知織邑有大豪猾結死黨橫行以懋勸之改行盡散其黨未去民即爲立生祠

祀之

何鏗爲貴州畢節縣知縣旋調麻哈州知州咸豐中賊圍城鏗固城拒守食盡城破鏗獨身出升堂而坐賊說之曰公不如且去鏗忿曰吾恨不得數萬兵將汝賊頭砍落今汝利刃速與本州刺之賊怒以矛洞其背鏗躍離公座死於滴簷事聞朝議賜四品禮葬給雲騎尉世襲

邱自然候選教諭性豪爽髮逆起事時即倡首練團語人曰此吾輩保障一方時也咸豐十一年奉札領團衆同兵勇赴彭勦賊衆寡不敵與保正徐升瀛并團丁四十六人同時陣亡奉旨入祀昭忠祠給雲騎尉世襲

徐升瀛邑貢生性剛直有才畧藍逆亂時極力練團時有惡匪在
犀浦聚衆將謀不軌迫之入黨當市厲聲拒之曰吾甯死於囑
匪之手不死於國法惡匪聞之解去郫東一帶爲之安堵咸豐
辛酉同邱自然陣亡於彭縣之石洞堰

古映超邑武生成豐十年藍逆入郫率團衆禦賊於龍家灣聞賊
偷渡葛家灣古橫戈躍馬率衆截殺於苦工橋賊勢盛戰敗被
殺

學問

漢

揚雄字子雲少好學善詞賦成帝時有薦雄文似相如者上方郊

郫縣鄉土志

耆舊

十二

祀甘泉還雄因奏甘泉賦以諷帝善之後遷侍郎給事黃門著
有太元經十卷法言十卷訓纂一篇方言十二卷蜀記一卷官
箴一卷五雜騷一卷

何英司空武之弟也通讖緯學著有漢德春秋十五卷

何汝字景由英之孫也著有世務三十篇

隋

何妥字栖鳳父細胡西城人通商入蜀遂家於郫妥少機警有口
辯游國學顧良戲之曰童子姓何是荷葉之荷抑是河水之河
妥應聲曰先生姓顧是眷顧之顧抑是新故之故衆爲聳異弱
冠事梁湘東王與蕭脊齊名後江陵陷入周武帝重之封襄城

伯隋受禪出爲龍州刺史尋爲國子祭酒著有周易講疏三十卷孝經義疏二卷五經大義五卷莊子義疏四卷三十科鬼神感應等大義九卷樂要一卷文集十卷

宋

張俞字少愚好爲詩舉進士不第時西戎犯邊上書陳攻取十策宰相呂夷簡見曰魏元忠唐人所上書弗如也詔以秘書郎徵俞不起後大臣屢薦凡六徵之終不應晚隱居青城山之白雲谿世稱白雲先生有白雲詩文集三十卷

李定好古力學不仕孝養父母累舉孝秀不就自號虛舟子蜀中屢遭兵火經籍不完天中中詔求藏書羣籍多出其家著有虛

鄆縣鄉土志

耆舊

十三

舟子集

楊天惠元豐進士徽宗時上書言事甚剴切後入黨籍有詩文集行世

國朝

許儒龍字水南犀浦人博通經史工詩古文乾隆元年以博學鴻詞徵不第歸里闢其舊廬起園亭有鶴天梅海諸勝著書其中時金川不靖上書楊撫軍陳事宜洋洋千言防患未然無備不周撫軍將以其策上聞爲幕府所沮不果十二年金川果叛命將征討至四十年始定使其言早見用當不如是之老師糜帑也年八十三終著有水南詩集

衛道凝號椴園乾隆丙午解元五試禮闈不售退而講身心性命之學著述有六經精義周易集註太常朝踐禮補蜀編年志史評謹獨前後篇諸子精醕敬信錄等書

趙國泰以乾隆丁酉拔貢中是科第三名舉人持身端慎因親老侍養不戀名場著有涵薰園文稿桐花別墅詩鈔

孫錕號草橋晚號瘦石少好學家素饒多購書藏之一應童子試卽棄去入國學以布衣遨遊縉紳間名譽日起於詩大肆其力晚治古文自成一家著有瘦石詩文集蜀破鏡鄆書繫令前後志等書

孫澍字兩膏舉人大挑任綦江教諭期年卽告歸與兄錕著書不

鄆縣鄉土志

耆舊

輟居鄉遇年歉常出穀以賑其隣又立義學以教鄉子弟著有春膏詩文集太元經註三卷杜宇開明前後志四卷

陳會芳字芷君邑庠生年二十餘卽絕意進取研究心理之學著有梅窗碎錄六卷從祀鄉賢祠

姜國伊字尹人邑舉人性嗜學博覽羣籍著述甚富所刊守中正齋叢書十餘種有周易古本撰尙書正義詩經思無邪序傳春秋傳義家語正孝經述大學古本述注中庸古本述注孟子外書攷癸甲乙記蜀記贖記神農本經本經經釋晉王叔和脉經傷寒方經解醫學六種皆其手訂確有見地能發前人所未發云

賢媛

蒲芝宋徵君張俞妻也能詩與徵君偕隱青城徵君卒芝作誄詞甚工

顧氏明太僕寺卿造孫女邑諸生何以政妻也通經史長美而勇嫻騎射張獻忠入蜀氏勸以政散家財集義勇與同邑舉人江騰蛟合力討賊戰死於錦官城下氏時年二十二歲乃挈家走貴筑依劉泌道出導義與總兵劉三升遇三升艷而偉之誘與同行氏不應鞭馬走三升遣騎追之氏迴馬彎弓射殺騎三升率衆繼至會泌迎者至乃脫入居於都勻是年黔西兵亦起泌被命帶兵討賊蜀司馬楊鼎攝巡道遣媒求娶

氏斥之翌日鼎盛服入將強委禽氏仗劍庭立責之曰司馬名教中人本朝節使方今國道板蕩海水羣飛不激勵人心奮戈殺賊迺謀據人孤弱未亡人世德高門詩書之祚鬼雄之妻遭此離亂久矣置死生於度外將軍必欲見偏請斫頭去鼎慙而退氏乃斷髮毀容攜子遁於石阡鄉山谷中采薇蕨橡栗以食口誦所記四子經史以教子至康熙時亂平始歸郫子名世振爲邑諸生

刁氏名佩瓊刁癸高之女也幼聰慧喜讀書適李年十九而夫故舅姑年老家貧設閨塾教女弟子常佩先儒饑死事小失節事大之訓著有餽冰咏雪軒詩稿

人類

邨自明季遭獻賊革殺之後土著之民靡有子遺如孫村范村劉村等皆因其舊姓而名之而戶口則甚寥寥自國初插占多廣東湖廣之民其他若以山西陝西福建江西入籍者不過十分之一然皆漢族也其他種族雜居者間有回番二種

回 聚居於縣城西門外與太和場二處戶口約三四十家以屠牛為業主教者曰阿俸有禮拜寺以時諷經於中
番 散居各鄉至今漸染文明與漢族無別且多殷實者然多諱其籍故其戶口從未分注

邨縣鄉土志

人類

十六

戶口

據現今保甲冊內實數共二萬九千三百七十八戶

丁口

據現今保甲冊內實數男共七萬六千九百九十七丁女共六萬零四百零五口男女合十三萬七千四百零二丁口

宗教

回回教人
天主教人

實業

士約百分之三

農約百分之七十

工約百分之十二

商約百分之十五

氏族

何氏 鄆縣自漢以來其歷世久遠至今猶存者惟何氏一姓白君公以忠烈顯封汜鄉侯明德之後代有達人蜀漢則有健爲太守何祇雙柏長何雙晉則有江陽太守何隨西城侯揚州刺史鷹揚將軍何攀巴郡太守何觀治中從事何游南北朝則有襄城縣伯龍州刺史國子祭酒何妥隋則有開府右光祿大夫何稠唐則有翰林知制誥何知節宋則有太平興國進士何偉明則有浪穹令何宗魯沅江令何奎國朝則有登封知縣何其祥其他名德宿學孝子順孫更難悉數乾嘉間煙戶千餘家今

鄆縣鄉土志

氏族

十七

雖就衰然家世源流之遠於蜀中實爲僅有

范氏 自前明之初即遷居鄆縣北鄉有老屋建於洪武年間至今猶存崇禎末年獻賊入川有優貢范希軾者避難深山中舉家獲全國朝定鼎後復歸舊里以詩書傳家子三范騫官南江縣教諭范家官秀山縣教諭孫范其萬健爲縣訓導范其英開縣教諭范其蕃保縣教諭范其華合州教諭又范瑤官廣西昭平凌雲兩縣知縣范璨官長甯縣知縣范守貞以拔貢中舉未仕卒范居廉舉人現官梁山縣教諭其他列膠庠明經者不可枚舉煙戶數百家至今方興未艾其祖塋曰范家柏林有楠木數十株大皆連抱云植自明代樹老枯瘁歷數十年無葉後又

復榮至今尙龍蔥無恙云

鄂縣鄉土志

氏族

十八

地理

疆域

郫縣城在四川省城西四十五里屬成都府東與成都縣連界南與溫江縣連界西南與灌縣連界西與崇甯縣連界北與新繁縣彭縣連界境內分七村十二甲孫村三甲唐村二甲苴村一甲范村一甲徐村二甲馬村一甲劉村二甲團為四十八保光緒三十二年朝廷飭各省所屬府廳州縣設勸學所四川提學使司方公旭委邑中書賃溶視學遵章分作十三區

中區

地段以縣城內外四街為限校地在勸學所前曰中區兩等小學

郫縣鄉土志

地理

十九

堂 古蹟 郫筒井郫筒池墨韻堂三者皆在縣署左一牆之隔舊為考棚今改作勸學所 聖水池在學署前百餘步有泉清冽秋冬不涸 業花街即南門外關帝廟前街也滄花溪即業花街側小溪二者皆明主事張守樸遺蹟

橋梁 宋公橋在西門外數步許明蜀府丞宋景建 沱江橋北

門外數丈許因江以名

坊表 節孝總坊 范姓貞壽坊 黃曹氏黃王氏姑媳節孝坊

黎姓節孝坊 陶履嚴孝子坊

東一區

地段劃犀西右保及七政保為限東與東二區連界南與南一區

連界西連中區北與北一區連界建學堂二校地一法王寺一梓潼宮 古蹟凉水井先農壇

橋梁 一里橋八里橋王家橋

坊表 盛基立孝子坊

東二區

地段劃犀南前中後三保犀西左保為限東北與犀東保連界南與溫江縣連界西與南一區連界建學堂四一王家廟一雲山寺一東嶽廟一迴龍場義學館

市鎮 迴龍場即毛家橋

祠廟 康家廟王家廟雲山寺東嶽廟

郫縣鄉土志

地理

橋梁 李家橋三星橋

東三區 在縣城二十二里至極東二十二里

地段劃犀東犀北向義三保為限東與成都縣連界南與東二區連界西與東一區連界北與北一區連界建學堂三一國甯寺一犀浦文昌宮一梓潼宮

市鎮 犀浦場

祠廟 玉泉寺太元寺義隆菴國甯寺梓潼宮

古蹟 犀池明月池明遠洞 相傳孔明伏兵處 蓮花池火碑 能鎮火災 金土

地 明蜀人所鑄去後為人所竊

橋梁 二門橋般若橋昇平橋義隆橋

南一區 在縣城南十五里至東南十五里

地段劃連鄉五福保國慶合四保為限東與東二區連界南與南一區連界西與西二區連界北與東一區連界建學堂四校地一叢望祠一邱家橋陳宅一青龍場一附菊松菴

祠廟 曹家寺觀音寺義林寺南嶽廟

市鎮 青龍場

古蹟 繁令墓何公墓 有祠祀漢記鄉侯何武祠前舊為岷陽書院今改為高等小學堂

社壇

橋梁 金花橋乾元橋梅龍橋邱家橋花石橋高土橋餘慶橋

南二區 在縣城南二十里至極南二十里

郫縣鄉土志

地理

二十一

地段劃德合萬安平安三保為限東北與南一區連界南與溫江縣連界西與西三區連界建學堂二校地一何家場寒山寺一家寺

市鎮 何家場德源場

祠廟 張家寺白衣菴東林寺普林寺彌陀菴大禹廟文家寺

橋梁 方家橋

西一區 在縣西北二十五里至西二十五里

地段劃昭明平成協和大同四保為限東與北一區連界南與西三區連界西與西二區連界北與崇甯縣連界建學堂四校地一梓潼宮一太平寺一玉皇觀一蒼頡宮

市鎮 新塲

祠廟 吉祥寺覺華寺梓潼宮太平寺玉皇觀蒼頡宮

古蹟 石牛壩皇田壩 漢淮南王賜田在此

橋梁 朝陽橋嚴家橋濂溪橋

西二區 在縣城西二十里至極西

地段劃永會東西保二保為限東北與西一區連界南與西三區

連界西與崇甯縣連界建學堂一校地接王亭

市鎮 永興場 即兩路口 接王亭

祠廟 梓潼宮白水寺黃龍寺石佛寺雲峰菴

橋梁 火燒橋蘭桂橋廣福橋長生橋

郵縣鄉土志 地理

西三區

地段劃七合襄平東西同心四保為限東與南一區連界南與溫江縣連界西與西四區連界北與西三區連界建學堂三校地一菊松菴一沱江書院一高墩寺

市鎮 合興場三元場石家橋龍家灣

祠廟 羅禪寺普惠菴蕭公廟石羊寺興福寺關帝廟高墩寺

古蹟 子雲亭子雲墓皇莊壩 漢淮南王謫居此

橋梁 石家橋高土橋

坊表 徐氏百歲坊

西四區 在縣城西四十里至極西

地段劃仁和義和信和禮和智和同心同氣七保爲限南與溫江縣連界西與灌縣連界北與崇甯縣連界東與西三區連界建學堂四校地一花園場萬壽宮一妙蓮寺一崇德寺一東林寺市鎮 花園場

祠廟 節孝祠泰林寺樊家菴華藏寺白鶴莊金龍寺白衣菴妙蓮寺崇德寺東林寺

古蹟 甕店土主寺

內有淮南王
妻夫人鐵像

坊表 駱氏百歲坊朱氏五世同堂坊

北一區

地段劃鄉甯合和護國三保爲限東與東三區連界南與中區連

郫縣鄉土志

地理

二十三

界西與西一區連界北與北二區連界建學堂三校地一石佛寺一履義寺一馬家廟

祠廟 五顯廟石佛寺白雲菴護國寺履義寺韓家觀鄉甯寺馬家廟天台寺淨土菴

古蹟 杜鵑城較場壩龍洞雙節井

橋梁 油子橋九板橋同善橋金龜橋文家橋

坊表 吳姓節孝坊李綏來孝友坊

北二區

地段劃青勝和勝二保爲限東與新繁連界南與成都連界西與北一區連界北與北三區連界建學堂二校地一太和場觀音閣

一三清院

市鎮 太和場

祠廟 三聖寺三聖院王黃寺彌陀寺三清院

橋梁 永鎮橋永定橋連義橋福壽橋

坊表 程氏節孝坊程氏節孝坊

北三區 在縣城北二十四里

地段劃公正太極守望三保為限南東與北二區連界西與西一區連界北與新繁彭縣連界建學堂四校地一二三導堰真武宮一武廟一中平莊一馬街梓潼宮
市鎮 三導堰馬街

郫縣鄉土志 地理

祠廟 廻龍寺梓潼宮中平莊觀音堂清塔寺

古蹟 古城 漢趙子龍牧馬處 孝女鄉 孝女吳三姑生此

橋梁 永定橋平定橋鎮江橋同善橋大石橋

坊表 吳三姑孝女坊鄧氏節孝坊

水道

新郫河自灌縣都江堰起水經崇甯縣至萬壽橋入郫縣西北境東流經三導堰至新郫橋入新繁界船棧下通趙鎮水運

徐堰河自走馬河分水至新場入郫縣西北境過石梯堰分羊角河一支東流入成都縣界正流至太和場入成都界

油子河自走馬河分水至火燒橋入郫縣西境北流至太和場下入成都界

國朝康熙間年羹堯撫川於太和場下新開河二里許引徐堰河水合之以通運道下達府城北

走馬河自寶瓶口人字堤東下經崇甯縣至興隆橋入郫縣西界

郫縣鄉土志

地理

二十五

至龍家灣分一支爲沱江河又下至兩河口分一支爲磨底河正流爲清水河經迴龍場至三邑橋入成都溫江兩縣界沱江河自走馬河分水東流至縣城下繞西北兩門至犀浦之東五里許入成都縣界

磨底河自兩河口分水流經縣南火燒橋下至玉泉寺入成都縣界

五斗河自灌縣江安堰起水至花園場入郫縣西界又名酸棗河經大禹廟下合清水河

馬壩河又名新開河自溫江流至同春橋入郫縣界下至顧家林仍入溫江縣界

殷家河自彭縣起水經崇甯縣流至馬街入郫縣北境下至界龍橋入新繁界

道路

自縣城出東門直行過八里橋十二里至高店子又行過犀浦至界牌八里入成都縣界此去省城大道也

自縣城出西門直行至倒石橋十里又行過接王亭至永興場十里入崇甯縣界此去灌縣大道也

自縣城出南門過花石橋至大禹廟十里又行三里至魚鳧橋入溫江縣界此去溫江大道也

自縣城出北門過九板橋至永鎮橋十里又行三里至界龍橋入新繁縣界此去新繁大道也

出東門沿城一支路過曹家寺至青龍場十五里又行五里至迴龍場入溫江界

東門外一里橋上右一支路過王家橋至青龍場十五里與曹家寺支路會

出西門沿城左一支路斜行至石家橋十里又行十五里至三元場又過子雲亭至花園場十里又行五里至三邑橋入灌縣界

出南門三里火燒橋右一支路西行過菊松菴至方家橋十里又過彌陀菴何家場十里又三里至慶隆橋入溫江縣界

北門外三里許余家林一支路過迴龍菴至老軍橋十里又行七
里至太和場又迤北行五里度新郟橋入新繁縣界

北門外里許順五顯祠直行過宋家林油子橋至三導堰十五里
又過馬街至錦江橋十里入彭縣界

西門外五里楊柳樹一支路過吉祥寺至新場十七里入崇甯縣
界

物產

動物天然產

牛常產邨人耕田皆用水牛然
不產於本境常販自川
南川東等處

動物製造

琉璃燈牛蹄殼為之製出省垣
牛皮膠熬油膜及筋為之其他
皮革骨角皆售之省垣製作器
物

羊常產邨有回民常畜羊十百

為羣屠宰以供人啖食

羊皮售之省垣硝去生性然後
綴之以為冬裘

豬常產邨邑牛羊甚少人所啖

食豬肉為大宗

豬毛自來為糞田肥料近年西
商販之以製造洋緞洋紬等物

邨縣鄉土志

物產

二十八

獺常產俗呼魚貓子

獺皮售之省垣揉硝熏色以為

冠領袖蓋之飾

鶴常產邨邑本無鶴凡鵠鷺等

鳥色之純白者土人概

鶴翎近年西人重價購之以為
婦女首飾或綴作鶴髻

呼為鶴

鷄常產

鷄毛近年西商販之以為製造

洋緞洋紬等材料

鴨常產

鴨毛西商販之與鷄毛用同

魚虎常產俗呼打魚雀

翠羽用貼女婦花釧首飾其價
甚貴

桐花鳳特產二三月桐花開時

其鳥羣來大如指文彩

爛然渴飲花露飢食花

心花謝則去有好事者

籠畜之飼以蜜糖不久

輒死

亮鰕特產其形與常鰕等每月

夜浮於水面點點如螢

火然惟聖水池有之

蠶常產近有購得日本夏蠶秋

絲郫邑多桑人家養蠶獲繭多

郫縣鄉土志

物產

二十九

蠶種者其飼養之功更

不自繅織每歲蠶月故有商來

捷其收繭之利倍厚

收繭取絲至成都銷之

植物天然產

植物製造

稻常產五穀之中惟稻最貴郫

邑皆水田故只稻無他

穀大宗

糯常產酒穀也

釀酒熬餈餠作餅餌

小麥常產麥性宜高燥之地郫

草帽禦暑禦雨之具也郫邑女

邑田土帶沙性鬆濕不

工多以麥稍編成笠帽每冬有

宜於麥然農家必分少

商販之以舟載至川東一帶鬻

許田以種之者所以備 之頗獲厚利
夏月糧也

大麥 常產可作飯食之寬中下 氣 烤燒酒

豌豆 常產

磨粉供調和料

蠶豆 常產一名胡豆

胡豆瓣川人常鬱豆瓣去性和
椒以鹽漬之鹹辣異常以佐食
味邑有陳姓醫園所造最佳遠
近馳名凡官商之經鄆者必多
購之歸以相餽遺而陳因以致

鄆縣鄉土志

物產

三十

富

火麻 特產溫江物產以麻爲大

宗鄆邑西南之與溫江
連界者其土性亦宜麻
春種夏收其葉可以糞
田其貨得價倍於他物
故農家種者恒多

靛 特產崇甯灌縣二邑產靛鄆

西境之與二邑連界者
其地亦常栽靛伏日一

刈秋後再刈築石灰池
用水浸之嫩葉腐爛打
去其梗質如塗泥此染
色中大宗也

芋常產史記貨殖傳有云大饑
不饑蜀有蹲鴟芋一名
蹲鴟蜀中所在皆有邨
產尤美

櫻常產

涼鞋邨中婦女抽櫻心嫩葉摩
之成絲做南邊凌波式編作涼

邨縣鄉土志

物產

鞋此新製造之在十年內者實
特產也近則隣邑仿效商販成
莊

菜子常產一名蔓蔓俗呼油菜

菜油大宗

橙常產柴薪大宗

柏常產森林大宗

慈竹常產森林大宗用處甚廣

菸葉常產一名柳葉子春種夏

收用草繩繫之牽曝之
日中使乾

摺菸 特產其葉較柳葉團而大 郵絲煙以本地摺菸製造

郵邑物產之大宗也收

時用竹筴摺夾之晒乾

緊束成捆售之川東一

帶等處

川芎 特產

鑛物天然產

鑛物製造

陶土

甄瓦

鐵 不產 鑛有 收者

鑄鍋

郵縣鄉土志 物產

商務

出境貨

摺菸 運銷川東川南川北以及宜昌沙市歲約四萬捆有餘
 索菸 運銷川南歲約千擔有餘
 菜油 運銷省城川南川北川東歲約萬車有餘
 絲菸 行銷本境歲約五萬斤有餘
 火麻 運銷川東川北歲約二十萬斤有餘
 藍靛 運銷成屬各縣歲約千挑有餘
 川芎 運銷溫江河壩場商店歲約三十餘萬斤
 郵筒酒 行銷本境歲約二萬五千餘斤

郫縣鄉土志

商務

二十三

入境貨

紬緞 自省城運至歲銷約值銀萬餘兩
 乾菜 自趙鎮商埠運至歲銷約值銀萬餘兩
 廣貨 自重慶商埠運來歲銷約值銀萬餘兩
 鹽 自犍為運至歲銷一百八九十引
 茶 自灌縣運來歲銷部引一百二十挑
 火酒 分彭縣河酒二路歲銷約五六千挑
 水糖 自趙家渡運入歲銷約千餘桶
 掛麵 自漢州中江運入歲銷約三四萬斤
 嵐炭 自灌縣運至

杠炭 自灌縣運至

煤炭 自灌縣運至

石灰 自崇甯彭縣運至

木材 自灌縣運至歲銷約值銀五六千兩

布疋 分三路新津合州潼川三路歲銷約值銀萬餘兩

棉花 自金堂商店運入歲銷約值銀萬餘兩

洋紗 自湖北運入歲銷約值銀萬餘兩

紙張 自綿竹夾江兩路運入歲銷約值銀三四千兩

錢紙 自邛州運至歲銷銀五六千兩

草紙 自趙鎮運至歲銷銀約千餘兩

